

# COMUNICÂT STAMPE



## TOR DI PORDENON

Sabide ai 19 e domenie ai 20 di Jugn dal 2021

## ZORNADIS EUROPEANIS DE ARCHEOLOGJIE

### VISITIS VUIDADIS E ATIVITÂTS DIDATICHS

Te ocasion des Zornadis europeanis de archeologjie si vierç al public la **Vile romane di Tor di Pordenon**, di proprietât demaniâl, logade dongje dal parc dal flum Nunciel a Tor di Pordenon.

La programazion e la organizazion dai events, che a àn tant che obietîf la promozion e la cognossince de vile romane, a son fatis in colaborazion cul Uffici Culture dal **Comun di Pordenon** e tal specific cui responsabii dal Museu Archeologic di Tor di Pordenon.

Lis ativitâts didatichs di laboratori e lis visitis vuidadis a son organizadis dal servizi didatic dal Museu Archeologic dal Friûl Ocidentâl (**Studio Eupolis**) in colaborazion cu la Sorintendence ABAP F.-V.J.

Lis visitis vuidadis a previodin percors assistûts tal sît de vile par adults e par fameis, par scuvierzi lis carateristichis di cheste testimoniance impuartante di ete romane. Invezit, lis ativitâts didatichis di laboratori, simpri leadis al contest de vile romane, a son dedicadis a un public plui zovin e aes fameis, e a rivuardin la sperimentazion des technichis di produzion di un afresc e la produzion di lums e di antefissis in arzile.

La gjestion des prenotazions, intal rispiet totâl de normative pe sigurece COVID-19, e je garantide e gjestide di Eupolis.

Par informazion e prenotazions:

Museu Archeologjic dal Friûl Ocidentâl / EUPOLIS [info@eupolis.info](mailto:info@eupolis.info); **tel. 0434.923027**

### PROGRAM DES ATIVITÂTS

**Si vise che par partecipâ al è obligatori prenotâsi dentri di vinars ai 18 di Jugn midiant di un messaç di pueste eletroniche a [info@eupolis.info](mailto:info@eupolis.info)**

#### **SABIDE AI 19 DI JUGN**

Dutis lis ativitâts si fasaran tal **dopomisdì**, tacant des **15.00** e des **16.30**

- **Laboratori di afresc** par fruts dai 8 ai 11 agns (fin a 10 participants par laboratori).  
*Cjapant la ispirazion dai framents scuvierts intal sît de Vile, sperimentin lis technichis che si dopravin in epoche romane par creâ un afresc.*
- **Laboratori sui lums e su lis antefissis** par fruts dai 8 ai 11 agns (fin a 10 participants par laboratori).  
*Fasìn un lum e une antefisse cu la arzile e cun tante manualitât.*
- **Percors assistûts tal sît de Vile romane** par adults e par fameis (fin a 15 participants par percors).  
*Cjaminant inte aree archeologjiche o scuvierzìn lis carateristichis di chest lûc archeologjic impuartant di epoche romane.*

#### **DOMENIE AI 20 DI JUGN**

Dutis lis ativitâts si fasaran sedi **a buinore**, tacant des **10.00** e des **11.30**, sedi **dopomisdì** tacant des **15.00** e des **16.30**

- **Laboratori di afresc** par fruts dai 8 ai 11 agns (fin a 10 participants par laboratori).  
*Cjapant la ispirazion dai framents scuvierts intal sît de Vile, sperimentin lis technichis che si dopravin in epoche romane par creâ un afresc.*

- **Laboratori sui lums e su lis antefissis** par fruts dai 8 ai 11 agns (fin a 10 participants par laboratori).  
*Fasìn un lum e une antefisse cu la arzile e cun tante manualitât.*
- **Percors assistûts tal sît de Vile romane** par adults e par fameis (fin a 15 participants par percors).  
*Cjament inte aree archeologjiche o scuvierzìn lis carateristichis di chest lûc archeologjic impuartant di epoche romane.*

Il calendari di ducj i events des Zornadis europeanis de archeologjie si pues consultâ tal sît  
<https://journées-archeologie.fr/c-2021/lg-it/Italia/le-giornate-dell-archeologia-in-Europa>

*Traduzione a cura di*

**ARLeF**

**Agjenzie Regionâl pe Lenghe Furlane**

via della Prefettura, 13

33100 Udine

tel. +39 0432 555812

email: [arlef@regione.fvg.it](mailto:arlef@regione.fvg.it)

pec: [arlef@certgov.fvg.it](mailto:arlef@certgov.fvg.it)

Triest, ai 14 di Jugn dal 2021

Ufici Comunicazion e Promozion de Sorintendence Archeologjie, bielis arts e paisaç

dal Friûl-Vignesie Julie

[sabap-fvg.comunicazionepromozione@beniculturali.it](mailto:sabap-fvg.comunicazionepromozione@beniculturali.it)

+39 040 4527527

<http://www.sabap.fvg.beniculturali.it>; [www.facebook.com/SABAP.FVG/](http://www.facebook.com/SABAP.FVG/)